



O-SGG-A-LN-2026-4-16/084598813



**SOCAR  
GEORGIA GAS**

ფ/პ ტუკაზბან მამედოვა  
პ/ნ 12001076204  
მის: გარდაბანი სოფელი ქესალო  
ტელ: 599 244 948

SOCAR Georgia Gas LTD  
Eastern Regional Office  
Agmashenebeli Str. 66  
Georgia, Kvareli, 4800  
Tel: 16 114  
E-mail: [socargas@socar.ge](mailto:socargas@socar.ge)  
[www.mygas.ge](http://www.mygas.ge)  
[www.socargas.ge](http://www.socargas.ge)

№ O-SGG-A-LN-2026-4-16/08

16.04.2026

წერილობითი შეტყობინება  
ბუნებრივი აირის უკანონო მოხმარების შესახებ  
ადმინისტრაციული სამართალდარღვევის საქმის განხილვის დასრულების თაობაზე

ქალბატონო ტუკაზბან,

გაცნობებთ, რომ მიმდინარე წლის 15 აპრილს ჩანიშნული ადმინისტრაციული სამართალდარღვევის საქმის განხილვა დასრულებულია, მიღებულ იქნა გადაწყვეტილება თქვენს მიმართ ჯარიმის სახით ადმინისტრაციული სახდელის დადების შესახებ.

გეგზავნებათ №044444 დადგენილება თქვენს მიმართ დაჯარიმების სახით ადმინისტრაციული სახდელის დადების შესახებ, დადგენილების გასაჩივრების წესი იხილეთ მითითებული დადგენილების სარეზოლუციო ნაწილში.

ამასთან გაცნობებთ, რომ აღნიშნული ჯარიმა უნდა ჩარიცხოთ სახელმწიფო ბიუჯეტში შემდეგ კოდზე: ბანკის კოდი: TRESGE22, სახაზინო კოდი 302003247, დადგენილების ჩაბარებიდან 30 დღის ვადაში და გადახდის დამადასტურებელი დოკუმენტი წარმოადგინოთ კომპანიაში წინააღმდეგ შემთხვევაში შეგიწყდებათ გაზის მიწოდება ან არ აღგიდგებათ შეწყვეტილი გაზის მიწოდება.

დანართი 4 (ოთხი) ფურცელი.

პატივისცემით,

აღმოსავლეთის რეგიონული ოფისის დირექტორი

მ.სამხარაული

შპს „სოკარ ჯორჯია გაზი“  
დადგენილება №044444

დაჯარიმების სახით ადმინისტრაციული სახდელის დადების შესახებ

15.04.2026წ. ქ. ყვარელი შპს „სოკარ ჯორჯია გაზის“ აღმოსავლეთ რეგიონული ოფისი  
*საქმის განხილვის თარიღი საქმის განხილვის ადგილი*

1. უფლებამოსილი პირი : შპს „სოკარ ჯორჯია გაზის“ აღმოსავლეთ რეგიონული  
ოფისის იურისტი ვანო ბოჭორიძე

*(თანამდებობა, სახელი, გვარი)*

2. ცნობები პირის შესახებ, რომლის მიმართაც განიხილება საქმე: ფიზიკური პირი,  
ტუკაზბან მამედოვა პ/ნ 12001076204 მის: გარდაბანი სოფელი ქესალო ტელ: 599 244  
948 აბ.N3100042766.

*(იურიდიული/ფიზიკური პირი, მისამართი, ტელეფონი, აბონენტის ნომერი, პირადი ნომერი/საიდენტიფიკაციო  
ნომერი)*

3. საქმის განხილვისას დადგენილი ფაქტობრივი გარემოებები:

საქმის განხილვისას დადგინდა შემდეგი გარემოებები: შპს „სოკარ ჯორჯია გაზის“  
უფლებამოსილი თანამშრომლის მიერ განსახილველად გადმომეცა ამავე  
საზოგადოების აღმოსავლეთის რეგიონული ოფისის გარდაბნის სერვისცენტრის  
საექსპლუატაციო სამსახურის ჯგუფის უფროსის (ოქმის შევსებაზე პასუხისმგებელი  
პირი) ნაირა ავალიანის მიერ მიერ შედგენილი ადმინისტრაციული  
სამართალდარღვევის №044444 ოქმი ადმინისტრაციულ სამართალდარღვევათა  
კოდექსის 96<sup>1</sup> მუხლით განსაზღვრული ბუნებრივი გაზის უკანონო მოხმარების  
ფაქტზე. ოქმების შემდგენის განმარტებით, შპს „სოკარ ჯორჯია გაზის“  
თანამშრომლების მიერ გარდაბანი სოფელი ქესალო -ში აღმოჩენილ იქნა პირი პირი  
ტუკაზბან მამედოვას მიერ ბუნებრივი აირის უკანონო მოხმარების ფაქტი, კერძოდ  
პირმა დავალიანების გადაუხდელობის მიზეზით შეწყვეტილი ბუნებრივი გაზის  
მიწოდება აღადგინა თვითნებურად.

ადმინისტრაციულ პასუხისგებაში მიცემულ პირს ეცნობა საქმის განხილვის  
შესახებ დროისა და ადგილის მითითებით. პირი პირი ტუკაზბან მამედოვა არ  
გამოცხადდა ზეპირ განხილვაზე და რაიმე მიზეზის შესახებ არ უცნობებია.  
შესაბამისად საქმის განხილვის გადადების საფუძველი არ არსებობს რისი  
გათვალისწინებითაც თანამდებობის პირი უფლებამოსილია განიხილოს  
ადმინისტრაციული სამართალდარღვევის საქმე, ადმინისტრაციულ პასუხისგებაში  
მიცემული პირის დასწრების გარეშე და მიიღოს გადაწყვეტილება.

საქართველოს ადმინისტრაციულ სამართალდარღვევათა კოდექსის მე - 10 მუხლის თანახმად: „ადმინისტრაციულ სამართალდარღვევად (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა“.

ამავე კოდექსის 96<sup>1</sup> მუხლის პირველი ნაწილის თანახმად: „ელექტროენერჯის წარმოების ლიცენზიანტის, მცირე სიმძლავრის ელექტროსადგურის გადაცემის ან განაწილების ქსელიდან ელექტროენერჯის ან ბუნებრივი გაზის (აირის) ტრანსპორტირების სისტემიდან ან განაწილების ქსლიდან ბუნებრივი გაზის (აირის) დატაცება, მიუხედავად დატაცების ფორმისა, ელექტროენერჯის ან ბუნებრივი გაზის (აირის) მოხმარება მისი აღრიცხვის გარეშე ან აღრიცხვის წესების დარღვევით – გამოიწვევს გაფრთხილებას. 2. იგივე ქმედება, ჩადენილი განმეორებით, – გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას – 15000 ლარის ოდენობით.“: ადმინისტრაციულ სამართალდარღვევათა კოდექსის 236 - ე მუხლის პირველი ნაწილის თანახმად: ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზე, საქართველოს კანონმდებლობით განსაზღვრული წესით, ორგანო (თანამდებობის პირი) დაადგენს ადმინისტრაციული სამართალდარღვევის არსებობას ან არარსებობას, პირის ბრალეულობას მის ჩადენაში და სხვა გარემოებებს, რომლებსაც მნიშვნელობა აქვს საქმის სწორად გადაწყვეტისათვის. ეს მონაცემები დადგინდება შემდეგი საშუალებებით: ადმინისტრაციული სამართალდარღვევის ოქმით, ადმინისტრაციულ პასუხისგებაში მიცემული პირის ახსნა - განმარტებით, დაზარალებულისა და მოწმის ჩვენებებით, ექსპერტის დასკვნით, ვიდეოფირით ან ფოტოფირით, ნივთიერი მტკიცებულებით, ნივთისა და დოკუმენტის ამოღების ოქმით და სხვა დოკუმენტებით.

საქართველოს ენერჯეტიკისა და წყალმომარაგების ეროვნული მარეგულირებელი კომისიის 2009 წლის 09 ივლისის №12 დადგენილების მე-9 მუხლით: ბუნებრივი გაზის უკანონო მოხმარებაში იგულისხმება გამანაწილებელ ქსელზე მოწყობილობების თვითნებურად მიერთება, შეწყვეტილი ბუნებრივი გაზის მიწოდების თვითნებური აღდგენა, ბუნებრივი გაზის მრიცხველის ბრჯენების განზრახ დაზიანება (აღრიცხვის სიზუსტის დარღვევის შემთხვევაში), ბუნებრივი გაზის მრიცხველის ციფრული მაჩვენებლის გაყალბება, ბუნებრივი გაზის დატაცება, მათ შორის, ბუნებრივი გაზის

მრიცხველის (აღრიცხვის სისტემის) გვერდის ავლით ან/და მის გარეშე ბუნებრივი გაზის მოხმარება (გარდა ამ წესებითა და კანონმდებლობით განსაზღვრული შემთხვევებისა).

საქართველოს ასკ კოდექსის 264 - ე მუხლის მიხედვით „ორგანო (თანამდებობის პირი) ადმინისტრაციულ სამართალდარღვევათა საქმეების განხილვისას მოვალეა დაადგინოს: ჩადენილი იყო თუ არა ადმინისტრაციული სამართალდარღვევა, ბრალეულია თუ არა პირი მის ჩადენაში, ექვემდებარება თუ არა იგი ადმინისტრაციულ პასუხისმგებლობას, არის თუ არა პასუხისმგებლობის შემამსუბუქებელი და დამამძიმებელი გარემოებები, მიყენებულია თუ არა ქონებრივი ზარალი, არის თუ არა საფუძველი ადმინისტრაციული სამართალდარღვევის მასალების ამხანაგური სასამართლოს, საწარმოში, დაწესებულებაში, ორგანიზაციასა და მათ სტრუქტურულ ქვედანაყოფებში შექმნილ საზოგადოებრივი ორგანიზაციის, შრომითი კოლექტივისათვის განსახილველად გადასაცემად, აგრეთვე გამოარკვიოს სხვა გარემოებანი, რომელთაც მნიშვნელობა აქვთ საქმის სწორად გადაწყვეტისათვის“. საქმის ფაქტობრივი გარემოებების დადგენის, მათი შეფასების და ურთიერთშეჯერების საფუძველზე დადგენილად მიმაჩნია, რომ ადგილი აქვს ადმინისტრაციულ პასუხისმგებაში მიცემული პირის მიერ ადმინისტრაციული სამართალდარღვევის ჩადენის ფაქტს, ეს უკანასკნელი ბრალეულია მის ჩადენაში, ამასთან არ არსებობს პასუხისმგებლობის დამამძიმებელი გარემოებები, კერძოდ შსს ინფორმაციული უზრუნველყოფის სამმართველოში გაგზავნილ იქნა მოთხოვნა, ადმინისტრაციული სამართალდარღვევათა კოდექსის 96<sup>1</sup> მუხლის შესაბამისად ბუნებრივი გაზის უკანონო მოხმარების ფაქტზე შემოწმების მიზნით, შემოწმების შედეგად დადგინდა, რომ ადმინისტრაციულ სამართალდარღვევათა საინფორმაციო ბანკში პირი პირი ტუკაზბან მამედოვა ირიცხება.

4. ზემოაღნიშნულის გათვალისწინებით საქართველოს ადმინისტრაციულ სამართალდარღვევათა კოდექსის მე-8; მე-10; 36 - ე მუხლებისა და 96<sup>1</sup> მუხლის მეორე ნაწილით, 200-ე, 228<sup>2</sup>-ე, 236-237-ე, 260-ე და 266-267-ე მუხლებით, საქართველოს ენერგეტიკისა და წყალმომარაგების მარეგულირებელი ეროვნული კომისიის 2009 წლის 9 ივლისის №12 და 2010 წლის 12 აგვისტოს №14 დადგენილებებით და აღნიშნული მუხლების საფუძველზე

ვ ა დ გ ე ნ:


5. ფიზიკურ პირს, ტუკაზბან მამედოვა პ/N12001076204 დაედოს ადმინისტრაციული სახდელი – ჯარიმა 100 ლარის ოდენობით.

6. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი

მომსახურების ხარჯების კომპენსაციის საკითხი:

.....

7. ეს დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერჯეტიკისა და წყალმომარაგების მარეგულირებელ ეროვნულ კომისიაში (მის.: ქ. თბილისი, 0194, მიცკევიჩის ქ. N19) .

უფლებამოსილი პირის ხელმოწერა:  /ვანო ბოჭორიძე/